



T5466/4421(1)

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
APR 29 1940





焚餘稿序

盱眙李子蒼存早能詩歲庚午示余焚餘稿一編  
余讀之見其才情颺舉邁越時流而間有幽憤不  
平之感蓋蒼存屢不得志于有司中有所鬱以寫  
其情而抒其抱負耳余觀今之天下能詩者一何  
多乎蓬華之子章句之儒出游通都大邑莫不梓  
其所作以投公卿而取名譽雖其中未必有而讀  
其詩未嘗不斐然可觀若是乎天下之多才也然  
求其工深力厚卓然可垂後世者亦未數數見嚴  
滄浪有言詩有別才非關書也詩有別腸非關理

哈佛大學漢和  
圖書館珍藏印

也然非多讀書善窮理者則不能造其至以其有別才別腸故夫人而能詩以其未必多讀書善窮理故雖能詩而不能造其至也余少時嘗學爲詩已而悔之謂詩之爲道非竭一生之精力讀盡天下之書必不能傳世而行遠故自三十以往絕意不爲後雖間有所作或一歲數首或數歲一首至已未入都之初乃得百五六十首然絕不以示人謂今天下詩人如林縱無余一人廁乎其間不爲少也蒼存年未強仕詩已至數千首舉庚申以前所作悉焚棄之其辛酉至戊辰凡若干篇始錄存

之爲焚餘稿其意欲然其志銳然其坐進斯道而幾於古之作者不難矣此余之嘉歎而不能已也余觀今之譽人者不曰漢魏則曰三唐夫詩貴自得耳取裁於古人以寫我之性情斯爲真詩若句摩而篇擬之無論其未必似卽似矣亦優孟衣冠於我之風格安在余也老大無聞所謂竭一生之精力讀盡天下之書者旣已不能今乃於蒼存見之當世詩人之林雖永無萬子姓氏亦何憾哉康熙甲戌四明同學弟萬斯同序

倉存為漁洋門下士漁洋稱其詩文從衡有奇氣  
江淮中一才士也 見居易錄 己巳三月匡菴識



焚餘稿序

詩以寫性情適然為之非為傳計也而能寫其性  
情者即能傳其詩迨其傳也遂成一家格人人效  
之蓋自有其性情則自有其家格朝廟里巷各任  
遭逢勞臣思婦不相襲取自三百篇以降歷漢魏  
唐宋以迄今日其傳者無一同者也而能使讀者  
如見當日之性情如獲自己之性情則又無不同  
者雖欲不傳也得乎其不傳之詩必不能寫自己  
之性情又何以感後賢之性情固不待今日而已  
泯泯矣今人不善效古人之詩凡見一家格必極

後園集年表餘稿序  
摹其辭采聲調逾摹逾肖逾失不知古人之  
傳者非以其辭采聲調也以其性情也今人效古  
人之詩非效其辭采聲調也亦非效其性情也效  
其各寫性情不肯假人之性情以爲性情也吾得  
李子蒼存焚餘稿逢人說之謂其不讓古人必傳  
無疑聞者詰曰漢乎魏乎唐與宋乎余曰古人皆  
無此家格但能使讀者如見作者之性情如獲自  
已之性情是卽自成一家格後之視今亦猶今之  
視昔古人之傳者大抵皆此類耳余與海內商風  
論雅已數年於茲投贈篇什盈篋溢簏求如蒼存

之焚餘稿者目中見不多人人不多句無怪乎三  
百篇以降傳人之寥寥也康熙辛未闕里同學弟  
孔尚任序

焚餘稿自序

余年十四五卽喜習爲有韻之言顧其時未嘗學  
問雕蟲篆刻童子戲而已逮十八九稍知聲病始  
有楊子雲壯夫不爲之悔而讀書不多識力未定  
往往易爲浮說所搖出入北地信陽弇州歷下以  
及公安竟陵之間凡五六年纔立一格又易一格  
取舍無憑疲於奔命方摹擬諸家時依口學舌某  
篇求似某篇某句求似某句亦殊沾沾自喜而不  
知其爲已陳之芻狗也旣而思之文章之不可強  
同有如其面漢魏六朝唐人不爲也初盛中晚宋



元人不爲也勝國諸公互相詆排終無是處止成其爲一方之言假使今日李杜復生斷亦不從其說爲當日之李杜矣奈何易吾之面爲古人之笑貌乎繙閱笥中取所爲詩悉焚棄之友人有止予者曰少壯心血卽不足惜十載光陰亦豈易得何遽舉祖龍毒手余謂千古之事寸心自知得失較然吾不早自爲計畱以供人之覆甕糊壁耶遂毅然決策付諸一炬不復躊躇於是辛亥至庚申之詩不下二千首悉化而爲冷烟畧無存矣辛酉下第後人事多艱風波迭值生計無聊意欲焚筆瘞

硯安閒過日而夙業難忘故態時作每一歲中必有草本多或一二百篇少亦近數十首荏苒至今又復成帙仍擬假靈祝融爲吾藏拙而習氣不除名根未斷東家捧心固自知醜慷慨割愛不能如前次之勇也然雖因循未畀炎火而積稿堆塵嬾復省視偶一檢閱內訟慙惶豈遽作梨棗想哉頃者將入都門卒業太學二三舊好勸付剗余重違其意乃搜前後諸草命老蒼頭清錄若干篇授以災木名之曰焚餘稿始辛酉秋九月斷自今春三月而止皆焚餘之所作也嗟乎今世之刻詩者

後園編年稿目錄  
大都非有得於詩而有借於詩者也攀名流結當  
路舍此無以爲貢諛乞憐之具坐是之故茫茫宇  
宙詩日益多集日益富予性恥爲此又不能工奚  
取於詩而刊播之譬諸蟲鳥春而鳴秋而吟其鳴  
與吟雖天地間萬不可少之聲而蟲鳥何與乎然  
則人之見余詩者幸勿曰是子詩人也則余心死  
矣康熙己巳後園李嶸瑞漫識

後園編年稿目錄

盱眙李嶸瑞蒼存

卷一

焚餘稿詩六十四首

卷二

焚餘稿詩七十九首

卷三

焚餘稿詩六十八首

卷四

焚餘稿詩六十二首

卷五

焚餘稿詩六十一首

卷六

焚餘稿詩四十四首

卷七

北游稿詩六十一首

卷八

北游稿詩九十三首

卷九

歸來稿詩六十六首

卷十

歸來稿詩七十二首

卷十一

北游續稿詩八十首

卷十二

北游續稿詩九十九首

卷十三

北游續稿詩一百一十九首

卷十四

北游續稿詩七十八首

卷十五

歸來續稿詩五十五首

卷十六

歸來續稿詩七十一首

後圃編年稿卷一

焚餘稿 起辛酉九月  
盡壬戌年

落第書懷呈一二故人

盱眙李嶠瑞蒼存

哈佛大學漢和  
圖書館珍藏印

我輩讀書

落拓歸來處處愁  
槐花又踏一番秋  
全無好友遺新札  
重累山妻補敝裘  
下澤車堪乘七尺  
鬱輪袍嬾雜諸優  
迂疎原是江淹筆  
豈怨天教命壓頭  
破帽青衫苦見縈  
龍泉敢作不平鳴  
窮塗自合悲楊子  
利器誰能識董生  
事歷艱辛消壯志  
心多酸楚怕秋聲  
相逢籬下迎霜笑  
尚有黃花不世情

夜坐

黯黯青燈在深更坐草堂月中千點鴈菊上一層  
霜破悶憶樽酒妨寒尋絮裳老菴大無狀倨傲到  
人牀

予以下第杜門寂居鄉里宗黨間憐憫無  
聊多相邀置酒食予感其意至輒醉飽鮮  
可爲報謝以短篇

雲程萬里高上書書不售可憐劉去華無才落人  
後敝却棉布衫歸來掩蓬竇進退蜩縮頭俛仰鳥  
轉味失路誰見憐招呼鄉里厚拭去面上塵欣然

徒步就涼颼襲衣間殘菊留籬右濁醪幸盈樽入  
座酒籌鬪竟忘別足慙無知似孩幼晚菘秋最香  
湖蟹肥多肉一飽不敢忘古道今時觀

漂母飯淮陰寺僧厭王播若以世情言僧智母愚  
懦有司遴高才錄者聲名大獻賦再見擯有如蟻  
在磨畢竟文字疎豈關造物挫宗黨卽不親公等  
詎爲過如何開衡門掃席邀人坐只憐失意悲不  
笑殘裘破瓦鐙煮清醯鐵釜炊香粳遂令憔悴夫  
傾倒忘坎壈愧我非王孫綢繆意空荷

寄石莊上人

返自彭城未芒屨換幾迴秋前曾夢晤鴈後少書  
來老甕藏香軟新篇變體裁西風報蕭索又見菊  
花開

秋夜渡淮

挂席輕如葉秋風送小舸汀烟迷鴈路波月碎漁  
篙兩岸人皆靜三更浪正高若非乘酒興霜氣透  
綈袍

訪李道士

雨過山色改石上夕陽斜雞犬不聞處道人方種  
花心情閑似鶴頭髮黑如鴉却喜交詩客相逢喚

煮茶

毛錐子

毛錐子毛錐子汝是人間射窮矢人生富貴皆在  
天一與君交貧欲死長安少年金張兒詩書未曾  
半字窺周孔名姓識不得黃金白壁如山垂一朝  
緡入西園市司農引例冢宰喜買得高官衣錦衣  
玉轡雕鞍返鄉里華筵大張高唱歌十番鼓響雲  
屏多美女房中嬌薦寢謏夫座上口懸河儒生可  
憐不解事管城日侍如肩臂衣敝出門親戚憎金  
空闕食妻奴恚噫嘻嗚呼毛錐之崇乃至此與飢

後圃編年稿卷一  
三  
死方朔飽死侏儒煖死須賈寒死范睢人難枚舉  
遇同一塗噫嘻嗚呼吾不負爾爾實負吾文章有  
神鬼也嗔不如投作爨下薪細看世上簪纓客方  
信班超是解人

緘子菊村見過聽雨夜飲二首

渾沌雲常在秋陰不得晴叩門來二妙促膝坐三  
更天意撩人意詩聲答雨聲濁醪吾量淺苦口勸  
君傾

夜深人不倦軟語喜沾沾錄事頻辭酒

緘子近不甚飲

參軍

自弄髯

菊村美鬚每每吟時必拈弄

暗蛩啼雜杳濕葉響廉纖莫怪

吟難就論詩僕頗嚴

冬日張酌孝前輩招飲草堂賦贈

百年寥落感斯文前輩風流尚有君賦帶郢聲驚  
宋玉書除婢態笑羊欣牙籤架滿供兒讀竹葉缸  
深許客醺眼底誰人肩足比前身應是老楊雲  
湖漲門前浪一篙草堂客聚總綈袍王濛淫水新  
鐫潔劉蛻埋文舊塚高綠綺濁清分杪忽黃庭真  
贗辨纖毫追陪杖履心先醉不待樽前擘蟹螯

宿湖上

天水光無別風多濁浪驚湖干眠一夜枕上醒三

後園雜年稿卷一  
四  
更鴈婢來相續漁船過有聲霜深蘆荻老冷月照  
分明

小女

小女生逾周扶牀乍移武學言不能多齒牙自楚  
楚嬉戲當我前回頭忽索乳阿姆未卽來雙眸淚  
如雨梨栗置懷中歡然復笑語山妻以爲寶百計  
逢喜怒門戶賴人持惜哉此爲女綵衣舞終朝聊  
用憫貧窶

寒日登寶積山與客談宋南渡事懷古有

作

宋與金和於此山  
納歲幣因以得名

愁雲萬疊鎖層峯石徑猶疑戰馬蹤南渡衣冠偏  
小國北人臣妾視高宗金繒不惜拋流水社稷何  
曾復故封登眺枉爲韓岳恨夕陽寒寺一聲鐘

壬戌元日

矮屋爐飛楫拙烟辛盤不備氣蕭然一身似客渾  
忘節四壁如僧也過年雪片光陰殊落漠梅花情  
面頗周旋賀正絕少門前客省得逢迎好晝眠

龍燈

丹青鱗甲燭光紅腹內分明一點空莫怪兒童爭  
出覩幾人曾解愛真龍



戚緘子寓舍聽女師彈琵琶

龍香捍撥弄新腔銀甲輕調亂客牕小鳥戀枝啼  
歷歷新泉觸石響淙淙槽傳塞北佳人曲地變潯  
陽怨女江共倚春風聽欲醉不勞更索酒盈缸

寄陳湘水

江干分手鴈飛初各著殘裘返故廬劍在只期逢  
仲子賦成誰料累相如憂生世路憐萱草信斷春  
風念鯉魚午夜不嫌篝火費湖南又復著何書

過西寺弔汝公

上人愛酒善琴  
為詩亦有新句

湖上開精舍高僧頗素心酒留名士醉詩學古人

吟厭世緣何疾傷神弔此林斷紋牆上挂猶是舊  
彈琴

題楊太真醉卧圖

唐家六葉承平久仙客登庸曲江走開元天子重  
蛾眉粉黛場中尋艷偶二八弘農嬌上春壽王邸  
裏似花人纖濃中度容無敵宜笑宜顰號太真太  
真進御叨恩眷佳麗後宮稀得見金屋塗椒貯阿  
嬌昭陽薦寢憐飛燕驪山仙殿起岌堯日旭華清  
彩霧飄酒酣遞許諸姨侍詔免羣臣昧旦朝朝朝  
暮暮恣歌舞法曲梨園子弟譜給札催成供奉辭

喧天響出花奴鼓結綺臨春處處過君王情重樂  
仙娥翠釵寶釧常嫌重銀盞金卮那厭多釀出西  
涼顏易醉侍兒扶上桃笙睡玉臂斜依玳瑁牀鴉  
雲半覆鴛鴦被欠伸一顧動三郎自起燒燈照海  
棠剪剪風聲九華帳濛濛獸腦百和香漏聲晝滴  
銅壺永簾外花枝低弄影鸚鵡無言助熟眠孳  
有幙防驚醒爲樂宮中意正長誰知刁斗震漁陽  
劍閣塗邊馳玉輦馬嵬山下瘞紅妝佳人絕代遭  
兵苦兒子可憐忘母乳昭佩甘隨暨季江麗華錯  
遇韓擒虎往事已隨烟霧空芳姿猶向丹青逢醪

酖似在長生殿鈿玦疑歌繡嶺宮絹素披觀真似  
玉當年何怪傾人國月明南內起悲涼鈴語西川  
增歎息死惑生迷在彼姝從來尤物禍相俱繁華  
一夢歸天寶感慨千年剩畫圖

春分日雨次張于行

一半春光去可憐廉纖況復雨如烟燕貪覓壘先  
垂顧天妒看花未了緣酒客政苛乾舊甕詩人思  
湧敵新泉踏青堅與先生約買得芒屨莫惜錢

新婢

絳繚理衣聲鴉兒覆額明遲迴來領事羞怯出簷

名譽下須調米牕前勿弄箏不離文史側應化鄭  
康成

清明

百五年時記買錫家家傳火又清明食因介子燒  
山熟天爲龐公上塚晴柳外人遊遮馬跡花間風  
到帶鶯聲傷春杜牧愁方重嬾見村橋酒幔輕

不寐

風聲浙瀝月光斜歌枕三更聽亂蛙睡熟小童呼  
不醒披衣自起剔燈花

小園晚春四首

廿四催風信春光老一村落花紅到水深柳綠遮  
門彭澤只耽酒於陵惟灌園雨聲不可聽況是近  
黃昏

地僻最宜嬾眠餐真自如問來調鶴法著得種花  
書牆過尋香蝶溪翻散子魚草深將沒徑閒課小  
奚鋤

杜門無客到抱膝守茅簷漸暖午衣換初晴池水  
添養苔常禁屐憐燕不垂簾隔岸桃花放依稀見  
酒帘

蛙鼓喧終日清渠繞作城開牕親草色移席就鶯

聲春菜留畦蒔新茶蓄水烹楊花多事甚點點落  
衣輕

陳氏園看牡丹

花事關心興未闌忽忽客舍又春殘陳家園裏風  
光在偷得工夫問牡丹

牡丹明艷殿東皇姚魏風神貴洛陽一自歐公圖  
譜出人人珍重待花王

沉香亭畔昔年栽調引清平絕世才花若有知應  
笑我錯疑君是謫仙來

不須載酒自生情信步潛隨蛺蝶行攜着主人詳

細問一株各有一株名

初夏二首

春光一霎去多程日乍長時氣尚清柳外提壺方  
勸飲桑顛布穀又催耕新茶香冶尋鐺試穉笋崢  
嶸入屋生支得小牀堪熟睡困人偏是雨初晴

柴門却掃謝塵囂實爲無能敢曰高峰入瓶邊侵  
芍藥雀來人側竊櫻桃隴黃早麥鎌將刈桑老遲  
蠶繭欲繅買得魚苗池上養清和風起水滔滔

送緘子遊吳門

名勝江南地蘇臺夢有年涼生殘伏雨醉上太湖

船踏得千人石聽過一路蟬酒錢休慮闕刺史最稱賢

炎暑正為崇君行變早秋南天新灑落西子舊風流訪古到香逕長吟登虎丘清才有人愛況遇韋蘇州

晚趨查家渡

山路行纔盡殘陽野渡邊小留三寸鯽高柳一聲蟬健僕能擔橐疲驢怕上船解衣宿何處隔岸有人烟

聽箏

鴈柱鳴哀玉秦聲迴出羣冰絃和歷歷銀甲撥紛紛調狎唐開府歌傳晉使君只知憐竹肉應是未曾聞

龍興寺懷古

明太祖微時為僧處也中有太祖像甚奇怪亦不可辨真贗游人欲觀者先與寺僧錢數十枚

落照咽山椒蔓草延平地青松六月涼松下藏古寺我來尋清幽疎篁覆短砌俯仰今日景慷慨當年事明祖龍潛時微身於此寄日夕頭陀中舉動無殊異亦如芒碭山逍遙隱劉季一朝運會來驅迫取神器提劍斬長蛇所向無障蔽馘諒荆楚平禽誠吳越治自從秦漢後幾經王與帝功績雜霸

後園雜年稿卷一  
多豈果關仁義布衣天下歸此中有天意開創費  
經營山河鞏帶礪大廈將欲傾數傳得昏嗣姦相  
忘封疆權璫與羅織安然一金湯遂被諸公棄可  
憐鍾山陵樵夫牧兒憇得之原有由失之詎無自  
遺廟至今存弔古人常至空留恢怪顏山僧借射  
利

聞蛙

草綠春池水面寬終朝閣閣叫平安無人能脫征  
徭累只有蛙聲不屬官

失小詞稿意爲人覆醬甕久矣旣而復得

以詩誌之

調學花間貯一筒以文爲戲敢言工璧亡已分羈  
秦闕馬失還來認塞翁刺史名毛慚刻鵠先生姓  
楮笑雕蟲驚人樂府非柴廓不入湯休慧眼中

絕錢神歌

錢神錢神家在阿堵邊爾之稱神借問從何年盤  
古而降迄今幾萬代帝王將相誰使爾操天下權  
乾坤若大彊半爾鍾愛我獨與爾畧無一日緣我  
初讀書門日閉只共千秋豪傑對筆牀璀璨色生  
花芸草清幽香入肺終朝兀坐同枯禪殷勤那解

後園雜錄卷之十一  
將君媚此時家人生產容多不及謀何況竒贏計較一倍百倍至千倍蝸廬斗大荒徑蓬三冬好雪夏好風抱膝不過率天性豈故矯情戾物就嗇而辭豐亦曰古來名士兼才子如吾輩者正復不乏矣草野聲名動九天那皆輾轉溝中死賢豪自命守茅茨囊橐何嘗要厚貲文章道德有所用揚眉斷不斃寒飢卽如蘇子之敝裘也而趙侯寵甯戚之叩角也而齊桓竒相如之失路也而漢武羨馬周之落魄也而唐宗知誰期世事今非昔不事錢神神見責冥冥中間有主張萬事教君行不得人

前開口遭詆訶枕上淚痕神阻塞詎不思談經綸詎不思振羽翮任說才過八斗高也當教君凍不得衣餒不食嗚呼悲哉錢之爲物名可憎錢之爲物用則靈讐者得君而德辱者得君而榮賤者得君而貴死者得君而生身如瓠匏者得君而以能顯目未識字者得君而以文稱嗚呼悲哉人間百端大可詫神兮神兮何故使我心不平曾參黜澹歌金石石尉珊瑚過十尺銅山崔嵬金穴深必非當代瑰竒客吾聞古之世有國曰猶狂以癸辛爲堯舜以莽操爲武湯以跖虎爲孔子孟以鹽嫫爲姬

後園編年稿卷一  
姜以糞草爲糞茨以土石爲琨璜以狐狸爲麒麟  
以鴝鵒爲鳳凰錢神之爲神想或類是不然胡顛  
倒而主孔方所遠者曠達輩所入者污濁場所憚  
者白衣士所交者黃頭郎鴟夷衣鉢傳程鄭素封  
有道非關命子母錙銖索解人當年吝豈王戎病  
天下自誤惟狂生口不言錢骨徒勁迂踈空失阿  
神心安免罪加大不敬我雖不敏自知明窮相天  
成豈是力可爭三匝聊求枝自息一犁但願兩堪  
耕錢神錢神畢竟在何處上天下地一任爾之縱  
且橫我終不敢事君矣讓與他人喚作兄

宿野人家

傍山茅舍矮身入首先低歇馬同牛秣支門作榻  
棲薪乾炊脫粟齒軟嚼酸齏客在忙厨婦嗔兒索  
乳啼

中秋夜坐有憶去年落第歸里之事率得  
長句二首

去年今夕雨餘涼曾記金陵賣夜光笑我獨操毛  
穎拙讓人輕拾桂花香裘如蘇季原關命策比劉  
蕢本近狂轉瞬又看佳節到風槐濃墮一庭黃  
姮娥猶自不炎涼失意人前也作光賦欠三都玄



晏序囊虛一瓣後山香秋江問渡增新憤夜閣挑  
燈滅舊狂前事不堪回首憶把杯聊盡酒鵝黃

早起

客舍多思慮神魂每不寧便過三鼓寐只到五更  
醒秋令乍添服晨興猶見星西來風色緊戶啓又  
重扃

蔣公祠

并序

公名佳徵失其字廣西灌陽人明崇禎間以鄉舉  
爲予邑令流賊薄盱眙公誓以死報國是時巡按  
御史梁雲構坐泗州公往見雲構乞調兵雲構曰

君職民牧無師旅之寄賊勢銳不可當且無城可  
守不如避之君畱泗且母歸公曰無城不可守獨  
不可戰耶固乞不已雲構遣之還不與一卒公遂  
送母渡河率家奴鄉丁百餘人邀賊戰於山巔死  
焉事聞贈尚寶司少卿嗚呼公可謂烈丈夫哉予  
考勝國編年諸家野乘皆無道其姓氏者獨故老  
能言耳懼其久而失載頃過其祠遂爲此詩以俟  
太史氏之採焉

秋風鳴低空亂峯下斜照老樹枝交天蒼涼覆破  
廟入門捫殘碑太息拜遺貌憶昔明運衰羣盜起

聚嘯勦撫兩成虛  
蓬壘變虎豹所過無堅城  
蒼生任凌暴戰士多如雲  
倒戈似垂釣維公真人豪  
忠貞出天造金鐵冶成心  
冰霜清作操賊烽一朝來  
矢石躬親冒官小誓捐軀  
力薄那自料直指方雍容  
請兵兵不調南八豈可畱  
賀蘭心竊笑歸來率市人  
慷慨動蒼昊送母臨長流  
淚濺河上棹再拜天色昏  
忘家兒不孝衆寡勢不當  
一死將國報碧血灑平蕪  
賊馬不敢蹈至今高山巔  
白日常見燒如何五十年  
薦紳少憑弔國史與野乘  
記載皆不到姓氏已稀傳  
父老猶能道蘭臺事纂修  
幽微須

闡耀誰爲秉筆人  
搜求不遺奧

秋日遣興十首

日暮殘蟬咽寒生老樹林  
逢帘知酒近見菊覺秋深  
洗白調新藥加棉補舊衾  
乾坤少可語傷却楚人心

地僻人稀問幽居着短衫  
壺天存舊署菊主是新銜  
躄古青藜火謀身白木鏡  
此生吾自斷不用叩巫咸

秋殘添慘澹饒舌厭鳴蛩  
小徑僕朝掃寒衣妻夜縫  
步兵途易泣中散性多慵  
愁見清霜下高楓落

後園編年稿卷一  
百重

命同秋葉薄干謁最生疎破榻聊容膝荒塍自把  
鋤嗟乎當世事誤矣古人書二鳥光榮甚昌黎愧  
不如

高阜一登眺狂來還自歌斂花遊蝶到騎犢牧兒  
過聽鴈增愁譜翻書引睡魔茅廬常苦漏秋雨爲  
何多

秋色滿平蕪烟光乍有無鬻衣償酒債典硯給官  
租雨重疎篁仆糧稀老鶴癯高梧寒有致栽得兩  
三株

安穩棲泉石行踪定六爻青袍從我在白眼任人  
拋謝豹羞蒙面班鳩拙作巢小亭玄自草休向子  
雲嘲

都無逢世具理合字乖崖不免安仁拙空稱曼倩  
俳病求方士藥貧典細君釵積雨門難出山翁借  
草鞵

老澹天如水秋聲鴈裏添桐枯寒雨碎草禿暮山  
尖牛角存黃絹蕉陰有黑甜地偏因得靜不是學  
郎潛

秋空雲似紙寒澗水淙淙菊帶蜂歸屋風攜葉打

後園雜年稿卷一  
十六  
窓交游谷口鄭心事鹿門龐愛飲僧來否家藏酒  
一缸

水上紅葉

霜溪未帶落花痕底事春光彷彿存艷麗有心仍  
售色飄流無處可招魂吳江空惹詩人詠唐苑曾  
成倩女婚拖水黏泥終有態黃筌難畫是寒村

秋夜睡覺聞大風聲

夜久氣生涼風聲入茅屋夢醒支枕聽愁到籬邊  
菊

哭豫章王叟

王叟他鄉客壺天不救寒亂離經虎口老病死湖  
干借地埋雙骨先一年其妻  
亡至是同窆求人贈一棺孤兒無業  
繼身後更艱難

過舊帥第

封侯心未遂茅屋老河干閉戶攤書卷尋醫療箭  
瘢身閑耽學道脾健喜加餐莫訝門無客將軍久  
不官

壬戌除夕

雨雪飛填戶蹉跎歲又除馮生三尺劍揚子一牀  
書臘酒杯深淺梅花影密疎聳肩終夕坐寒颼逼

茅廬

後圃編年稿卷二

盱眙李嶸瑞蒼存

焚餘稿

癸亥甲子二年

元夕旅舍次緘子韻

客舍蕭條病易增  
空思七發得枚乘  
愁宜痛醉惟賒酒  
倦欲先眠不點燈  
月色一天圓舊約  
梅花幾樹作新朋  
比鄰歌管隨喧雜  
只有詩人靜似僧

戲贈歌者王郎

珍重歌喉怯玉缸  
紅牙按板調無雙  
霜清月白忘深夜  
壓得崑山子弟腔

後圃編年稿卷三  
燕語鶯啼恍惚聞多情直欲過行雲清絃拂處原  
無誤不是周郎不顧君

觀羣豕渡河戲詠

服田牛可耕行地馬能載豕德最無聞牢筮養數  
輩刀砧人不憐骨任屠兒碎河流春汪洋水漲隄  
防潰如何來一羣徑渡毫無礙我昔發楊子洪濤  
雜烟靄出沒拜風潮江豚露脊背鼉也實非魚波  
心作大塊狎鷗見總驚小舟追莫逮不緣沙苑遷  
見新唐書豈自遼東退或者北斗星甕中初放隊用  
盧杞傳一行事蛇鷁變悉錄春秋書具在豕異容有之人立固

其槩已亥渡河耶卜子恐臆對

仲春漫興

天氣陰沉晚忽霞春光二月惜韶華未斟婪尾三  
重酒先看遨頭一日花草甲有情能上砌柳條無  
力不勝鴉茅廬取靜門常掩却被烏衣借作家  
午困常貪睡不醒殘書架上任零星年饑未敢呼  
庚癸命賤何煩問丙丁疎幙婢留飛燕路小牕童  
挂護花鈴春來頗說山遊好愛惜芒屨嬾踏青  
一天晴色在東臯軟弱春風不入袍蚪蚪水邊蟲  
爾雅輟軒樹頂鳥離騷瓦鐺洗待烹新茗麥餅炊

後園編年稿卷三  
先採嫩蒿莫道近無沽酒地杏花村外布帘高  
屋角崢嶸樹出頭孤村荒遠絕如秋并詩不作方  
為嬾若酒能消未笑愁隻立鷺鷥翻起浪雙飛蝴  
蝶打成毬謀生將為春耕計黃犢鄰家肯借不  
戲贈朱山人  
山人有足跡且善餓  
朱山人年已翁可憐髮白顏猶紅短茅屋是爾宮  
方竹杖是爾童烟霞滿懷丘壑卧夜呼骨痛朝呼  
餓戚施舉步行逡巡天意厚君君莫嗔君不見孫  
臆成名無一足苻堅快意得半人

失書二首

偷兒掘我垣然燈照茅屋寥寥四壁存無錢并無  
粟架上如鄴侯牙籤獨盈軸偷兒歎息曰迂儒惟  
此足既來難虛歸提攜一筐束緇帙負挑還猶知  
書足錄灌絳不好文何堪與作僕  
世味寡所營耽書求旨趣篝燈風雨餘古人恍相  
遇役心二十年自比書中蠹事功謂可期誰知枉  
為誤季子裘久殘荆山削已數愧彼金張豪俛首  
不敢顧無用竟至斯不如付公去

張于行山水畫

張君家鉢僧繇傳一生愛畫如愛仙丹青翰墨老

不倦神妙欲比前人肩贈我剡溪藤一幅萬疊烟  
雲齊入目絡繹飛過幾處禽槎枒榦是何年木山  
崔嵬兮高高水澎湃兮滔滔人家住在山水交屋  
頭支離撐怪石門前蕩漾來漁舫我聞天台之巔  
一萬八千丈天姥峯在旁桃花洞居上下臨絕澗  
難名狀崇巒屹屹流潺潺赤城霞色不可攀捫蘿  
踏磴少人到但有山妖木客出沒於其間與公昔  
日曾爲賦繪事今朝恍相遇芒屨竹杖行徘徊橋  
邊二老從何來問之至再只不答恐是劉郎採藥  
回洞天飄渺尋無跡紙上卧遊拋不得張君下筆

真自竒應被人稱老畫師

郊行

縱眼收春色晴郊步忘勞燕飛芳草弱帘出杏花  
高牧豎牽牛放村姑認薺挑夕陽天更好風煖不  
侵袍

寄戚笑門前輩都下

筆上花難掩京華住幾年公孫丞相問司馬大夫  
篇天遣命如梗人推才似仙客囊未易壯羨有賣  
文錢

生平杯底癖燕酒可曾醒海內尊詞伯天涯老客



後圃編年稿卷二  
星交空屠肆俠授罷羽林經別恨年年在江干草  
又青

山行

春陰不散亂雲低石磴層層滑馬蹄帶笑野花隨  
客轉無名山鳥向人啼

德修上人自茅山歸見過索贈

禮罷茅君返頭毛白似霜袈裟貧未補筋力老猶  
強倚杖行山徑求詩到草堂曹溪禪不遠一棒在  
春光

曹醉僧見過畱飲至夜即送之往京口醉

僧有舊較書家在瓜步末句云然以相戲  
也

綠樹陰陰雨半天春風客到許畱連交情真處無  
長語老態狂時似少年篝火正傾深夜酒蒲帆又  
買鎮江船吳姬一笑纏頭贈丁卯橋邊爛醉眠

初夏偶興

草木滔滔長陶家孟夏天燕攜雛一隊蠶結繭三  
眠詩戒逢人贈身因避地全日斜池上立荷葉小  
於錢

衣冠都嬾具地僻減逢迎愛酒聊成癖耽詩不取

後圃雜年稿卷三  
五  
名草深螻蝻語雨過蟬螀生飢餓年來怕丁寧老  
僕耕

豹采中翰輓辭

蟾宮早折最先枝元禮門高世共知灑筆幾成鸚  
鵡賦鳴珂曾上鳳凰池柳車乘去悲風起薤露歌  
來宿土披秋草離離華表在千年應有鶴歸時

夏夜

流螢幾點墮階除露坐三更茗一盃夜久涼生衣  
袂上小樓風起月明初

夜聞水聲

亂蛙遮不住一片響滔滔夜靜風初息天晴月正  
高幽疑匡阜瀑壯訝廣陵濤便可垂綸釣何人借  
小舫

人有贈余雙鳧者畜之園中幾及一載馴  
習如家禽童子擲杖誤斃其一其一存者  
後數日亦斃余因瘞之山傍號曰鳧塚

畜養經年久棲遲在水亭可憐曾不料相繼總凋  
零小塚山根峙他年草色青待余高興日還與爾  
為銘

八月十五夜淮陰客舍對月二首

後園雜詩卷三  
樹覆茅廬蘚上垣荒城蕭瑟似孤村鴈過河上秋  
添籟月轉山腰夜到門客久不知時節好愁多難  
恃酒瓶温挑燈莫憶前年事去歲花邊已斷魂子去

年中秋夜有憶前年落第歸里之事曾作  
詩曰笑我獨操毛穎拙讓人輕拾桂花香

軟草流螢小檻幽庾公無興更登樓一天好月良  
宜夕十舍羈人不耐秋幾處漁舸明宿火誰家酒  
伴鬧歌喉是夕聞隔鄰  
歌吹聲甚歡可憐抱膝疎牕坐只與寒蛩  
共說愁

### 試新酒歌

霜飛鴈叫秋一天愁人得酒夜始眠欲將一醉賄

愁去杖頭却無沽酒錢瓦盆新醪雖未熟但聽沸  
聲撼牆屋要訪從事入青州脫巾且學柴桑漉  
糟歆醜傳楚湘濁裏尋清也有香挑燈不用明月  
勸一觴既盡還一觴晉時高人畢吏部夜作偷兒  
竊鄰酤我非耽飲性似渠不是醜醜愁不阻奚兒  
掩口却笑儂躁急曾誰似乃公酒生不待熟先酌  
到酒熟時缸已空

### 江浦道中

風涼初落木曉氣襲征袍長耳蹄猶健危橋板不  
牢秋晴雲脚轉野濶鴈行高只見青帘署無人買

濁醪

渡江

潮平九月買輕航風起疎篷挂夕陽兩岸青山來  
霽色一江白浪湧秋光魚吹細沫游深淺鴈下長  
空影頡頏漠漠蘆洲花似霰榜人猶解說徐常

上江

蘆洲皆前明勳臣中山開平賜莊也吳梅村詩云是徐常舊賜莊百戰勳名照江水

金陵懷古

石頭天險壯層城虎踞龍蟠舊有名峙鼎三分吳  
大帝渡江五馬晉東京高臺鳳去荒烟滿廢苑螢  
飛茂草生往事不堪頻想像夕陽西下看潮平

健兒快馬擁旌幢城上兵常不戰降却怪人謀無  
上策只將天塹仗長江宮中店肆開千百井底君  
妃出一雙蒼狗白雲真似戲新亭何事涕淙淙

江天霜氣結秋光千古興亡易斷腸玉樹歌消花  
寂寞臺城鬼哭月荒涼寒蘆驚鴈過沙渚衰柳飛  
鴉噪女牆只有六朝風景在烏衣誰是舊諸王  
結綺臨春夢總空景陽樓圯不聞鐘雲連古堞秋  
千尺浪湧空壕暮幾重洲庫烟消玄武籍鍾山人  
斫孝陵松江聲似帶前朝恨荻亂西風雨正濃

長干晚眺

樂府知名地

古樂府有長干行

秋來極目宜人家烟樹外山

水夕陽時風響歸巢鳥亭懸賣酒旗可憐樓上女  
都畫入時眉

方正學先生墓

金川門入北平軍叔父周公逐嗣君碧血一區埋

十族青山千古護孤墳祠依同志猶成伴

先生祠與景公祠相接

蘚蝕殘碑不見文樵牧那知青史事經過也解弔

斜曛

登雨花臺望大江有懷戚絨子

雨花之臺生何年冢土一兀成層巔人傳梁代有

師此說法曾使天花亂落如雲烟我來懷古登臺  
上臺上西風聲正壯秋光瑟瑟澹晴空紅葉滿林  
山背向手捉白雲攜滿懷夕陽迎人望眼開六朝  
豪傑邈難問但見長江之水天際滔滔來萬疊狂  
濤自起伏龍蟠自昔稱雄國翻竒作勢不可窮魏  
文所謂天之限南北此時獨立心躊躇旗亭有酒  
無酒徒若使故人同把臂醉倒那用奚兒扶浪湧  
扁舟帆影散江上頻過幾行鴈一腔幽意誰與言  
捫蘿踏石增長歎我不能縮地近子不能鼓柁來  
相望兩地空徘徊山僧寺裏筆可借安得共君一

寫萬古蒼茫迴

題鳳凰臺

斜陽黃葉襯荒臺曾有仙人騁賦才懷古客騎疲  
蹇到須知不爲鳳凰來

三山二水眼中看天寶年間景未闌畱得一詩千  
古重鳳凰容易謫仙難

斷烟衰草暮離離想見狂吟痛飲時着句須令臺  
不朽人非太白莫題詩

投曹秋岳司農

神武門前早挂冠朝衣脫却不稱官遊來南國逢

孫楚老去東山卧謝安一代功名傳象郡

先生嘗爲  
粵東方伯

百年詞賦重雞壇飄零李白疎狂甚此日荊州得

識韓

臺城弔梁武帝

鍾山鬱崔巍荒雲壓高嶺旁有蘭若林荒涼松檜  
影梁武當時宮嗚呼夕陽冷襄陽昔舉事不義殺  
如梗推刃向巴陵牲牢反盡屏清淨講涅槃素牀  
瓦器整甘爲同泰奴還宮用三請羣臣億萬錢贖  
還捨侯景至今陰雨時飢魂暗悲哽荷荷蜜空呼  
諸天那曾省

芳樂苑故址

王氣江東勢漸傾紛紛土木壯臺城苑從趙鬼歌  
中起花向潘妃步底生蔓草久依馳道長清塵無  
復屬車行山僧莫更談遺址落日秋風只鴈聲

吉祥寺

上方行任意緩步不嫌遲人影稀逢地秋光正好  
時鳥窺棲佛座僧打拜梅碑

寺後有拜梅菴新安人鮑元則所建壁上有陳仲醇李本寧董

思白黃貞父焦弱侯諸石刻具在

楓葉經霜赤西風落一墀

鄭一拂祠

介甫騷天下流離畫最真名垂青史上祠立大江

濱宇棟支山木春秋薦渚蘋東南民力竭誰復繪  
圖人

九日擬於鳳凰臺登高值雨未果往僧舍  
遣悶二首

重陽一日游可當平日百登高醉新醅一誤不可  
贖譬如看月光中秋夜稱獨佳節客裏逢久洗望  
江目碧翁爾何心將人苦拘束腹作無窮詩擬於  
臺上錄欲行不可行無絊自裹足側耳聞高鴻抱  
膝看疎竹孟公雪探梅駱丞雨尋菊若逢此輩人  
猶當笑余俗

登高有故事創始由桓生子孟嘉陶潛輩落落皆有  
情西風一萬里作客臨江城不從高處望不見秋  
光清可憐鳳凰臺元因李白名李白死已久鳳凰  
寂不鳴我欲繼芳躅題詩向崢嶸使知李白後更  
有人曾行寒雨阻高興寺閣觥空傾遙想謫仙魂  
寂寞無同聲

九日秣陵客舍寄蕭仞

茱萸瑟瑟插天涯霜滿江城夢裏家千折歸心愁  
白鴈一年秋色負黃花釀寒雨重門空掩送酒人  
稀手自賒故里登高風帽落幾人三徑醉歌斜

贈杜于皇先生

楚國山川勢鬱蔥巴陵洞庭天下雄靈氣鍾人才  
特異發爲文章千古工我師刪詩未錄楚天將後  
世詞客補自從屈宋景唐來騷賦登壇那勝數前  
輩風流今見君齊盟狎主霸斯文五十年來執牛  
耳雞林象郡名皆聞落筆有神書滿腹當陽浩博  
樊川逸老蛟獨舞寒空雲餘子紛紛攀不得草堂  
築向秣陵天秋月春花與灑然江干有肆容呼酒  
海內何人不執鞭我來白下懷無刺只向玄亭問  
竒字脩然一室古情深開口生風去雲翳卓帽青



袍塵不黏幽憤填腔老更添但未變姓似梅福已  
自種柳如陶潛滄桑轉眼成新故世事真如草間  
露蒼梧雲去呼不還杜門便是英雄路君不見秋  
風落日嘶牛羊樵夫斫盡鍾山樹

久客金陵戲寄內人

客久覺衣單秋風日作寒鄉心非不切江路欲歸  
難綠蟻畱人醉丹楓任眼看可憐舊院裏又出馬  
湘蘭

秣陵旅舍喜鄉人送家信至

客久饒鄉夢朝朝望鯉魚江干來故友燈下展家

書修阻塗難縮平安字不虛黃花幸無恙猶待返  
茅廬

答胡靜夫見贈

秋風行李一肩輕鼓棹來游白下城聊向天南酬  
客債敢從江左占詩名丹楓漸落吳霜冷白雪新  
遺郢調清萬斛子荆樓上酒錦袍誰共謫仙傾來詩

有孫楚酒樓遺跡在錦  
袍太白肯微醺之句

桃葉渡

舊渡傳桃葉秋風打浪開夕陽搖畫舫可有箇儂  
來

秦淮當壚曲

秦淮江水盈盈綠風起波生紋似穀可憐水畔有  
高樓樓下女兒巧妝束妝束成時獨當壚腮邊堆  
粉脣堆朱淺黛恍從京兆畫深鬟學得蘇州梳輕  
衫碎襟弓鞵窄桃花雙臉拋春色疑眸轉盼不避  
人嫣然一笑能畱客我來買醉到壚邊迴身相向  
理花鈿問名若似曾相識申手還來自接錢鍾情  
非止杯中味一斗十千那嫌貴鸚鵡纔呼座已開  
屠蘇未盡心先醉微風瑟瑟雨濛濛清絲玉壺情  
正濃只爲文君當酒肆却疑此地是臨邛

僧樓兩坐

鍾山雲起夕陽收雨送新寒入寺樓江上望家難  
見鴈天涯作客不宜秋菊香漸老猶爲伴酒力無  
多那勝愁兀坐搔頭空作賦却如王粲在荊州

金陵夜坐聞笛

秋風夜靜秣陵城短笛何人吹月明折柳一聽鄉  
思起陽關不待第三聲

淮陰道中

疲馬荒城道冬初木已枯氣寒天欲雪晷短客憂  
途野燒髡山頂河冰走鴈奴無聊思一醉酒濁不

後園雜年稿卷二  
十四  
堪沾

淮陰客夜獨坐思酒命僕往沾及至濁不可飲一杯而罷因作此詩

夜叩黃公肆愁將待酒消如何從事至不受步兵  
澆鴈響風方送山空葉欲凋一杯纔酌罷依舊又  
無聊

自淮陰歸喜菊村見過卽席得疎字

客久殘裘敝歸來理舊廬可憐逋客態猶未故人  
疎雪浦聽寒鴈山厨剪凍蔬半年心事隔欵欵問  
何如

穀日積雪初霽過宋惠人齋中

雪在天初霽春泥滑一街香尋新歲酒暖愛故人  
齋鳥語初迎節梅花漸映階須爲東帝主早備踏  
青鞵

甲子早春絨子見過與于行惠人輩連吟  
不輟余以鈍拙謬爲唱酬亦不自知塗鴉  
之可愧也復成長句索和兼以勸酒

雪後春山漸不冰梅花香對故人增層層心境新  
年事草草盤餐午夜燈只許聽歌如白傅誰容逃  
酒似黃丞管城怪底風流甚費盡奚囊舊剡藤

詩豪芻狗視三唐夜夜分題共頡頏敢與齊盟小  
邾子不知漢大夜郎王名甘牛後心難嘔體帶江  
南句有香領畧春光惟戰酒任教才盡笑江郎

寒食後雨不止悶書壁上

忽忽寒食過半月雨來頻骨痛惟支枕天陰不見  
春困花如病妓倦鳥似愁人誤却尋芳約詩成那  
有神

仲春過小園朱山人云已有鶯而不鳴予

尚未見也

花放春纔半金衣立一枝戴顓猶未見宜爾不輕

啼

洗兒歌贈菊村

皎皎月明夜夢賒麻姑仙人手贈花花爲熊羆非

虺蛇

菊村夢人送花一枝  
謂必生女已竟得男

桓家英物啼哇哇玉川先生

喜欲倒笑顧添丁頭角好赤脚老婢煎煖湯越羅

湘綺裁紅襖昔年君慮猶商瞿今見徐卿舉二雛

我來但作湯餅客錯寫弄麈書不惜人生萬事皆

在天弓冶箕裘豈偶然續史談賴司馬遷繼書彪

須班孟堅烹羊炊黍呼朋飽自言得此堪娛老掀

髯高誦洗兒歌歡喜情真乏浮藻當杯也爲君開

後園編年稿卷三  
顏有子懸知勝巨山自古族傳隴西李名家駒必  
行千里

偶成

百古黃鸝噪一林柳綿如雪又春深  
穉王酒國難辭爵作蠹書城敢諱淫  
破几塵灰畱鼠跡病軀酸軟報天陰  
年來識得詩篇崇頗有佳題不肯吟  
柴門花老綠陰添三月風光愛捲簾  
卷軸我原將僕命蓬蒿人訝似郎潛  
水流遮莫蛙喧渚夢熟生憎燕入簷  
自是愁多心易動不關春色惱江淹  
晚步溪上夕陽猶在立少頃忽然見月

日落月又來野溪晚可戀人間此景同  
只有閒人見

寄胡靜夫

秦淮攜手記秋風鮑謝才兼一世空  
邂逅卽將新句贈綢繆不啻故交同人  
羈下澤書難寄路隔長江夢尚通  
鶯老花稀慵對酒別離愁在夕陽中

立夏日同客飲繡毬花下

雪團滿樹放新葩慣惹詩人極口誇  
正在夏來開有色誰言春去便無花  
天孫機上絲千縷玉女盆中粉一車  
樽酒莫愁容易盡布帘青處小童賒

後園編年稿卷二  
廿  
午日答于行

五絲也挂小兒身絕少龍舟戲野津幾樹榴花開  
似火去年鸚鵡語如人家貧節候尋常度雨過秧  
針氣色新尚有老盆傾濁酒懷沙何事弔湘臣

蠅虎行

蒼蠅乘夏日為虐手搖白團撲不着翅如薄絮聲  
如簧怒虎從傍躍來捉躍來捉去飽在胸北牕午  
枕羲黃風更無一物攪殘夢虎於間人大有功嗚  
呼安得虎食天下蒼蠅空

夏日早行

不耐炎蒸氣宵征避晝行稀疎星未落殘闕月猶  
明敲磬僧初起扶犁叟已耕一程過十里都是亂  
雞鳴

題落第渡江圖

甲子秋試緘子以詩見送下第歸于行  
遂為之圖蕭仞曰不可無言率題二首

霜風冷刺敝裘迴楓葉蘆花兩岸開莫笑此行無  
所得飽看秋色渡江來  
蕭蕭行李老奴肩都被長康一筆傳只是未描登  
岸處舟人橫索腐儒錢

甲子秋病痔兩月屢藥不愈殊苦不可耐  
也率成長句

落魄清秋黯自憐  
天教豎子更相纏  
人非園令休官日  
病似坡公過嶺年  
拋却酒無觀史興  
買來藥費典衣錢  
村醫頻送方無驗  
叩戶翻嫌惹晏眠

冬夜同惠人于行蕭仞對月

霜重寒庖剪凍蔬  
南村喜共素心居  
酒猶待煮方開甕  
月不須邀徑入廬  
小竹籬邊陰漠漠  
老松枝上影疎疎  
誰知騷客狂無比  
正是分題得意初

對鏡

貴人登公卿貴有貴人樣  
賤子羈草萊賤有賤子狀  
我初服詩書睥睨氣最壯  
青雲高萬程自謂何

難上落拓十年來  
有如楚臣放衣敝  
怯新寒糧盡懸空盎  
豈惟拙逢時貧骨由天降  
咄咄覽明鏡子細尋窮  
相崇在阿那邊自顧自想像  
無術如唐生揣摩無一當  
問鏡鏡不言垂頭暗惆悵

客夜聽雨

淒風敗籜夜燈青  
旅舍愁多戶自扃  
只有夢中忘是客  
又教寒雨滴人醒

甲子除夕

辛盤破几雪飛天  
荏苒人間又一年  
隔舍小兒儺鼓壯  
當門進士紙袍鮮  
家藏梅耦林君復  
酒謝詩

神賈浪仙自是愁多難就枕不關守歲夜遲眠





